

## Bortaduras mesi de martzu 2023

01/03/2023

**Sa Dii Internazionali de sa fèmina** (connota cumentu festa de sa fèmina) est s'8 de martzu e serbit po s'arregordai de totus is conchistas sotzialis, polìticas e econòmicas de is fèminas, ma puru de is malis e de cantu ant gherrau po coberai deretus.

In Rùssia, in San Pietroburgo, s'8 de marzu de su 1917 totus is fèminas iant manifestau po pediri sa fini de sa gherra. In su 1922 po s'ammentai de cussa dii iant postu s'8 de marzu cumentu dii internatzionai de s'operaja.

In Itàlia su primu afestamentu dd'iant fatu su 12 de martzu de su 1922. Annus a pustis in totu su mundu fiant nàscius sciumbullus po coberai is deretus de is fèminas, fintzas a candu in su 1944 s'UDI (Unione Donne Italiane) iat bòfiu afestai sa dii pròpiu s'8 de martzu, a su mancu me in is tretus sbaratzaus de is fascistas.

Poita ant scioberau sa mimosa cumentu de frori? Poita in custu mesi s'agatat chentza de strobu e poita non costant meda. Me in is annus 70 in Itàlia nàscit su movimentu feminista e in su '72 iant manifestau po legalizai s'abortu. Oindì sa festa at pèrdiu unu pagu su sinnificau originali ma podeus nai ca est stètia e sighit a essi una dii de importu po podi pediri is fèminas is matessi deretus de is òminis.



**06/03/2023**

**#AVISU ATÒBIU PÙBLICU**

In custa diis funt spaciendi is traballus de s'ANAS po torrai a fai s'asfaltu in sa 126. In su tretu chi passat in bidda nci funt giai operajus po fai passai màchinas e genti abbellu e in seguresa, po fai de mancu de incidentis e de dannus acanta de is ingruxeris.

Difatis s'Amministratzioni Comunali at apariciau unu atòbiu informativu cun sa populatzioni po giòbia 9 de marzu a is 5 de meri in s'Aposentu de su Consillu Comunali.

Est de importu chi totus pighint parti.

Cumpartzei sa noa!

**06/03/2023**

**Contributus po su sustennu a s'allogu annu 2022. Lista definitiva de is dimandas.**

Assegnatzioni de is contributus po su sustennu a s'allogu (contributus afitus) cunforma a sa lei 431/98 art. 11. Mesis gennàrgiu – mesi de idas 2022. Aprovada sa lista definitiva.

Su Comunu de Santu Giuanni Suèrgiu fait sciri a is tzidadinus interesaus ca cun determinu n. 85 de su 02/03/2023 at aprovau sa lista definitiva de is dimandas de atzsessu a su contributu nomenau "Fondo per il sostegno all'accesso alle abitazioni in locazione periodo gennaio – dicembre anno 2022".


Càstia innoi is paperis alliongias <http://bit.ly/3T6LPcR>

**06/03/2023**

Chi fut stètiu biu, ariseu Lucio Battisti iat essi fatu 80 annus. Mortu giai de 25 annus is cantzonis suas ancora sa genti ddas ascurtat, prus che totu giai chi de una pariga de annus si podint agatai in Spotify (ammancant is ùrtimus album). Non si ndi podeus scaresci de cantzonis cummenti "Il mio canto libero", "Con il nastro rosa", "La collina dei ciliegi", "Un'avventura". Narai, e bosàterus cali est sa cantzoni chi si praxit de prus de issu??

**13/03/2023**

**1° RALLY DE SU SULCIS-IGLESIENTI**

 14 Cenàbara 17 de martzu


 Pratzza IV Novembre | de is 6 e mesu de meri

**Pre-Rally del Sulcis-Iglesiente**

Presentada echipàgiu

Impari a Lùciu AUNITU e a sa paisana nostra [Nicoletta Deidda Rally](#), cun sa Citroën Saxo VTS (classi N2).

S'ant a podi fai fotografias e preguntas asuba de is màchinas e de su rally 🏁

 14 Domìnicu 19 de martzu

 Pratzza IV Novembre | de is 11 de mengianu

Rally de su Sulcis Iglesiasenti

Andada conca a Pratzza IV Novembre po su controllu a timbru de is màchinas de is tres categorias chi ant a fai sa gara. Pigant parti puru [IS MASSAIUS SUERXINUS](#).

**13/03/2023**

Oi lunis 20 de martzu a is 22:15 de noti ferrit **s'ecuìnòtziu de beranu**, chi s'inniat sa primu dii de beranu astronòmicu. Me in is tempus antigus candu ci fiant is cultus paganus s'afestàt s'Ostara; sa paràula de orìgini germànica arribat de Eostre, diosa de sa fertilitadi. Custa figura assimbillat a Estia de s'antiga Grècia e Vesta de is romanus. Su cristianèsimu nd'at suspiu custus cultus e ddus at postus totus in s'afestamentu de Pasca; difatis si tzerriat Easter in inglesu e Ostern in tedescu, e su sonu arregordat s'afestamentu paganu. In s'interis de s'Ostara is predis fèminas alluiant una candela po sa diosa – chi studànt a obrescidroxu de sa dii a

pustis – chi rapresentat su fogu eternu de sa vida. Puru su conillu e s'ou de Pasca ndi bennint de su paganèsimu, ca fiant simbolus de fertildadi, nàscida.

Ma torraus a crìstionai de s'ecuìnòtziu, ita est chi bolit nai? S'ecuìnòtziu ferrit candu ni s'emisfèriu nord ni s'emisfèriu sud funt incrubaus faci a Soli, est a nai ca su Soli est perperndiculari a s'ecuadori. Passau s'ecuìnòtziu s'emisfèriu nord pendit conca a soli, fadendi ammanniai sa dii cun prus oras de luxi casi ca obrescit unu pagheddu a innantis e scurìgat unu pagheddu a pustis d-ònnia dii.

Podeus nai: beni bènniu beranu!



**13/03/2023**

Sàbudu 25 a is 2 de noti tocat a cambiai is arrellògius un'ora a innantis. Eus a drommiri un'ora de mancu ma sa dii s'at a fai prus longa e at a scurìgai un'ora a innantis (faci a is 7 e mesu). Poita si tocat a fai custu càmbiu? Passaus de s'ora solari a s'ora legali sceti poita podeus arresparmiari un'ora de luxi e de elettricidadi. Prus che totu cust'annu est mellus a ddu fai casi ca funt aumentendi is bulletas de sa luxi. S'ùnicu strobu est ca eus a essi unu pagheddu prus allochiaus e sciolloriaus/scimingiaus a conca is primu diis, ma bastat a pigai soli meda po torrai sentzerus.



**15/03/2023**

**Avisu pùblicu po sa presentada de is istàntzias de serbitziu de sustennu a s'imparu po studiantis disàbilibs chi andant a scolas superioris - annu scolàsticu 2023 - 2024.**

Su Comunu de Santu Giuanni Suèrgiu fait sciri a totus is tzitadinus interesaus ca at publicau s'avisu po sa presentada de is dimandas po is serbitzius de sustennu a s'imparu po studiantis disàbilibs de iscolas superioris de sa Provìntzia de su Sud Sardìnnia - assistèntzia specializada, trasportu e suportu materialis annu scolàsticu 2023/2024.

Tocat chi is famìlias presentint is istàntzias intre su 30 de abrili 2023 in su sportellu telemàticu ammostau in s'avisu alliongiau.

Si fait sciri puru ca totus is paperis e s'avisu funt publicaus in su giassu de sa Provìntzia de su Sud Sardìnnia a s'indirìtzu <https://www.provincia.sudsardegna.it/it/page/servizio-di-supporto-all-istruzione>

Castiai innoi s'alliòngiu <http://bit.ly/3yLsZOJ>

**15/03/2023**

**Dibatu "L'Agricoltura e le produzioni del futuro"**

Si pedit a totu sa populatzioni interessada de pigai parti a sa discussioni asuba su tema intermatzionalis 2021 - 2024 nomenau "Nuove azioni attraverso la cooperazione", chi s'at a fai cenàbara 17 de martzu a is 10:00 oras de mengianu in s'Agriturismu L'Agrifoglio (Santu Giuanni Suèrgiu).

**20/03/2023**

Si faint sciri is **oràrius de ambulatòriu** de su Dotori Andria Carta

Lunis: de is 4 a is 7 de merì

Martis: de is 4 a is 7 de merì

Mèrcuris: de is 5 mancu unu quartu a is 8 mancu unu quartu

Giòbia: de is 9 oras e mesu a mesudì e mesu

Cenàbara: de is 9 oras e mesu a mesudì e mesu

Is oràrius ant a essi apicaus in s'ambulatòriu puru.

Su Dotori podit essi arriciu a su telèfunu: 340 383 2279 e a sa mail:

[dottorandreacarta@gmail.com](mailto:dottorandreacarta@gmail.com)

Cumpartzei sa nova!

**20/03/2023**

S'assòtziu A.S.D. Arco Club de Santu Giuanni Suèrgiu apariciat una

**Gara interregionali de tiru cun s'arcu**

Domìnicu su 2 de abrili 2023

Aringu comunali ded bia Is Samis, Santu Giuanni Suèrgiu

**22/03/2023**

Su grupu ACLI S.G.S. impari a s'Assessorau a sa Cultura de su Comunu de Santu Giuanni Suèrgiu e a sa Fundatzioni de Sardìnnia apariciant:

**Fèminas sardas de oi e ariseru, sa de XVIII editzionis**

Bantu a Paola Satta e Adelasia Cocco

Su traballu de mèigu oi: missioni possìbbili?

Domigu 26 de martzu de is 6 de meri

Aposentu de su Consillu Comunali, bia Roma, Santu Giuanni Suèrgiu

DDOI ANT A ESSI:

Dotora Myriam Costeri (mèigu)

Dotora Denise Vacca (oncòloga)

Dotora Antonella Serrenti (Responsàbbili de is Serbìtzus Sotzialis de su Comunu de Sant'Antiogu)

Ghiat Guido Cadoni

PIGANT PARTI E SALUDANT:

Dotora Elvira Usai s'indiga de Santu Giuanni Suèrgiu

Is studiàntis de sa scola secundària de I° gradu – Istitutu Cumprensivu G. Marconi (Santu Giuanni Suèrgiu)

Mùsica a incuru de "Su Cuntzertu Antigu"

**22/03/2023**

**Prestatzionis sotzialis giuadas: assignu de maternidadi e bonus sotziali po discumbèniu fisicu po sa frunidura de s'energia elètrica.**

Su Comunu de Santu Giuanni Suèrgiu fait sciri a totu sa populatzioni interessada ca is ufitzius de su CAF (Centrus de Assistèntzia Fiscali) cunventzionaus cun su Comunu aundi si podint perdi is prestatzionis sotzialis giuadas: assignu de maternidadi e bonus sotziali po discumbèniu fisicu po sa frunidura de energia elètrica, funt scitus in su paperi alliongiu innoi. Custa lista at a essi aggiornada chi atrus ufitzius de su CAF ant a aderiri.

Càstia innoi s'alliongiu <http://bit.ly/40cRWyP>

**22/03/2023**

Su Comunu de Santu Giuanni Suèrgiu fait sciri ca si podit cumpilai su **PREGUNTÀRIU** de aggradessimentu asuba de s'apaltu de igiene de sa bidda.

Po ammellorai s'organizatzioni de su traballu e sa calidadi de su serbìtziu si domandaus de arrespundi a calincuna pregonta de manera anònima.

Podis agatai su preguntàriu:

andendi a s'Ufitziu Prìsia de su Comunu e cumpilendi-ddi su paperi

online sighendi s'alliongiu chi agatas in su situ istituzionali opuru in sa pàgina Facebook de su Comunu;

cun su QR code chi agatas me in is bachecas comunalis.

T'ammentaus chi su preguntàriu est anònimu.

Ddu podis fai finas a su 30 de abrili.

Sighi s'alliongiu <https://bit.ly/3JAD8Dc>

E cumpartzi sa nova!!

**22/03/2023**

Seus lòmpius a sa fini de is fainas de s'ufitziu de lingua sarda de su Comunu de Santu Giuanni Suèrgiu, incarrerau gràtzias a su progetu "In su Sulcis", finantziau cun sa lei 482/99 e sa L.R. 22/2018 e a incuru de s'Assòtziu Culturali Sa Bèrtula Antiga.

In custus mesis de fainas eus circau de spainai a cantu prus sa lingua sarda scriendi articuleddus, publichendi màginis e vùdeus me in is retzas socialis (innoi in Facebook e Instagram) po spertai sa genti a ligi e scriri su sardu. Est de importu a amparai s'identidadi nosta proèpiu cun s'amparu de sa lingua: tocat a non si ndi scaresci de dda fueddai!

Si saludaus, prexaus meda, cun custas màginis spantosas de su territòriu giuannesu: podeus biri su medau de Is Loccis Santus, sa necròpoli, sa bidda bècia de Pramas cun sa cresiedda antiga, sa pràgia de Punta Trettu, su Nuraxi de Candelàrgiu e sa pràgia de Portu Botte.

Torraus gràtzias meda meda a totu s'Amministratzioni Comunali: a sa sùndiga Elvira Usai, a totus is Assessoris e a is impiegaus amministrativus, prus che totu a is Assessoris Camilla Melis e Marco Zusa, a sa Dotora Alessandra Zurru, a sa Presidenti de s'assòtziu Quadrifoglio '95 – chi est puru sa ghia de sa necròpoli – Claudia Secchi, su predi se Pramas Don Bachisio Carta, sa Presidenti se s'ACLI Cristina Dessì, Anna Simbula Marras e is bibliotecàrias Chiara Locci e Doriana Cruccu.

Atrus annus mellus e a si torrai a biri cun saludi!

**25/03/2023**

Sàbudu passau, su 25 de martzu de Santu Giuanni Suèrgiu seus andaus conca a Mamujada po visitai is museus de is màscaras e su museu de su traballu e de is traditzionis. Ant partitzipau is picicocus de sa consulta de is giòvunus e àterus tzitadinus giuannesus, interessaus meda a su chi fiant biendi mancai su sardu mamojadinu fessit unu pagu differenti de su nostu, ma giai si seus cumprendius a pari!

Si torrat gràtzias meda a totus is chi ant pigau parti, a is ghias de Mamujada e a s'assòtziu sa Bèrtula Antiga chi at apariciau su viàgiu impari a s'Amministratzioni Comunali.

Àterus annus mellus!

Innoi calincuna màgini de sa dii.